

5 января 2014 года.

Неделя 28 по Пятидесятнице, перед Рождеством Христовым, святых отец. Глас 3.

Предпразднство Рождества Христова.

ВСЕНОЩНОЕ БДЕНИЕ. КАНОН:

ПЕСНЬ 1:

КАНОН ВОСКРЕСНЫЙ, ГЛАС 3:

Ирмос: **Воды древле/ манием Божественным/ во едино сонмище совокупивый/ и разделивый море Израильским людем,/ Сей Бог наш/ препрославлен есть.// Тому Единому поим, яко прославися.**

Припев: **Слава, Господи, святому Воскресению Твоему.**

Тропарь: **Иже землю осудив,/ преступльшему потом изнести плода терние,/ от терния венец из руки законопреступных,/ Сей Бог наш, плотски приемый,// клятву разрушил есть, яко прославися.**

Припев: **Слава, Господи, святому Воскресению Твоему.**

Тропарь: **Победитель и Одолетель смерти,/ иже смерти убоився, явися:/ страстную бо плоть одушевленную прием,/ Сей Бог наш, и брався с мучителем,// вся совокресит, яко прославися.**

Припев: **Пресвятая Богородице, спаси нас.**

Богородичен: **Истинную Богородицу вси языцы славят Тя, без семени рождшую:/ сошед бо во утробу освященную Твою,/ Сей Бог наш, Еже по нам осуществовася,// Бог же и Человек из Тебе родися.**

КАНОН ПРЕДПРАЗДСТВА, ГЛАС 1:

Припев: **Слава Тебе, Боже наш, слава Тебе.**

Тропарь: **Христа, плотию младенствовавшего,/ Христа, волею обнищавшаго,/ Христа, видима бывша, грядет Дева в Вифлееме ныне родити,// Небо же и земля да радуются. (Дважды)**

Припев: **Слава Тебе, Боже наш, слава Тебе.**

Тропарь: **Горы и холми, възграйте,/ пророцы Богогласнии, ликуйте,/ людие и языцы, воспещите:/ всех Спасение и Просвещение близ наста,// во граде Вифлеемсте раждаемое.**

Припев: **Пресвятая Богородице, спаси нас.**

Богородичен: **Нищ богатый бываает,/ обогащая иже злобою обнищавшия,/ Человек Бог познавается от Девы Неискусобрачныя кроме предложения;// вси хва-**

ла́ми воспоём Егó, я́ко просла́вился.

КАНО́Н СЯТЫ́Х ОТЦÓВ:

Припев: **Сяты́и отцы́, моли́те Бо́га о нас.**

Тропарь: **Днесь собóр Божественных отец Христо́во Рождество́ предпразднует
свѣтло,/ и пропису́ет сие́ пресла́вная благода́ть:// Авраа́м бо о́браз зако́на
и о́троцы суть. *(Два́жды)***

Припев: **Сяты́и отцы́, моли́те Бо́га о нас.**

Тропарь: **Дре́вле прие́млет Божество́ Еди́но Триипоста́сное священны́й Авраа́м,/
ны́не же сопресто́льное Сло́во О́тчее Божественным Ду́хом к дете́м при-
хо́дит,// сла́вно восхваля́емое.**

Припев: **Сяты́и отцы́, моли́те Бо́га о нас.**

Тропарь: **Число́м и ве́рою Божественны́я Трои́цы безбо́жие низве́ргше,// в пещи́
дете́и о́бразы чу́вственными сокрове́нныя Бо́жия та́йны ми́ру прояви́ша.**

Сла́ва Отцу́, и Сы́ну, и Свято́му Ду́ху.

Тропа́рь: **Авраа́м изба́вился от руки́ непра́ведныя,/ пла́мене же пещна́го Бо-
жественни́и о́троцы иногда́,/ и Дани́ил проро́к от зверей и ро́ва спасе́ся.//
Те́мже ны́не Рождество́ Христо́во предпразднуем.**

И ны́не и при́сно и во ве́ки веко́в, ами́нь.

Богоро́дичен: **Обра́дованная, Безневѣ́стная Ма́ти, Де́во нетле́нная, блажи́м Тя:/ и́бо от
ро́да Авраа́мля и пле́мене Дави́дова процвела́ еси́,// Христа́ же родила́ еси́,
проро́ки пропове́даннаго пре́жде.**

КАТАВА́СИЯ:

Хор: **Христóс ражда́ется – сла́вите,/ Христóс с Небе́с – сря́щите./ Христóс
на земли́ – возно́ситесь./ По́йте Го́сподеви, вся земля́,/ и весе́лием вос-
по́йте, лю́дие,// я́ко просла́вился.**

ПЕСНЬ 3:

КАНО́Н ВОСКРЕ́СНЫЙ, ГЛАС 3:

Ирмо́с: **И́же от несущих вся Приве́дый,/ Сло́вом созида́емая,/ соверша́емая
Ду́хом,/ Вседержи́телю Вы́шний,// в любви́ Твое́й утверди́ мене́.**

Припев: **Сла́ва, Го́споди, свято́му Воскресе́нию Твоему́.**

Тропарь: **Кресто́м Твои́м постыде́ся нечестивы́й,/ соде́ла бо я́му, ю́же ископа́,
впаде́:/ смире́нных же вознесе́ся, Христé, рог,// во Твоём воскресе́нии.**

Припев: **Сла́ва, Го́споди, свято́му Воскресе́нию Твоему́.**

Тропарь: **Благоче́стия пропове́дание язы́ком,/ я́ко вода́ покры́ моря́, Человеко-**

любче:// воскрес бо от гроба, Трбицкий открыл еси свет.

Припев: Пресвятая Богородице, спаси нас.

Богородичен: Преславная глаголана быша о Тебе,/ Граде Одушевленный присно Царствующаго:// Тобою бо, Владычице, сущим на земли Бог спожил есть.

КАНОН ПРЕДПРАЗДСТВА, ГЛАС 1:

Припев: Слава Тебе, Боже наш, слава Тебе.

Тропарь: Иже прежде век из Отца рождся паче мысли,/ из Девы напоследок воплотися, якоже весть Сам,// хотя человечество обновити, истлевшее лукаваго змия советом. *(Дважды)*

Припев: Слава Тебе, Боже наш, слава Тебе.

Тропарь: Иже в Вышних соседяй Отцу и Духу,/ смирившееся естество человеческое виде, / Сын Божий Безначальный начало приемлет// и хочет плотию родитися, яко человек.

Припев: Пресвятая Богородице, спаси нас.

Богородичен: Святейши Ангел и всея твари / Совета Великаго ныне Ангела без семени раждает плотию / на воззвание всем, поющим непрестанно Ему:// Свят еси, Господи.

КАНОН СВЯТЫХ ОЦЕВ:

Припев: Святии отцы, молитесь Бога о нас.

Тропарь: Юже по образу славу и по подобию Божию верно соблюдающе,/ златого образа пламень огнем духовным страдальчески угасиша отроцы, поюще:// Единого Господа знаем. *(Дважды)*

Припев: Святии отцы, молитесь Бога о нас.

Тропарь: Мудростию обложени и Духа силою, отроцы / мудрецы Вавилонския пленении посрамиша и дерзостне зываху:// несть свят, разве Тебе, Господи Человеколюбче. *(Дважды)*

Слава Отцу, и Сыну, и Святому Духу.

Тропарь: Радуется и сликовствует с детьми и пророки закон / и предъиграет Господню Божественному пришествию днесь, // и Авраам радуется, яко от семени его виде Господа воплощаема.

И ныне и присно и во веки веков, аминь.

Богородичен: Зачатие без страсти, / приятие паче слова пройде Рождества Твоего, Богородице: / пророки бо проповеданное паче естества таинство нам явися, // Слово Божие, Сый Бог.

КАТАВАСИЯ:

Хор: Прѣжде век от Отца́ рождѣнному нетлѣнно Сы́ну/ и в послѣдняя от Дѣвы/ воплощенному безсе́менно,/ Христу́ Бо́гу возопи́м:/ вознесѣй рог наш, // свят еси́, Го́споди.

ЕКТЕНИЯ́ МА́ЛАЯ...

ИПАКО́Й ОТЦО́В, ГЛАС 8:

А́нгел отроко́в ороси́ пещь,/ ны́не же жен плач разреши́, глаго́ля:/ Что прино́сите ми́ра?/ Кого́ ищите во грѣбе?/ Воста́ Христо́с и Бог:// есть бо Жизнь и Спасѣние ро́да челове́ческаго.

ПЕСНЬ 4:

КАНО́Н ВОСКРЕ́СНЫЙ, ГЛАС 3:

Ирмо́с: Положи́л еси́ к нам твѣрдую любѣвь, Го́споди,/ Единоро́днаго бо Твоего́ Сы́на за ны на смерть дал еси́./ Тѣмже Ти зове́м, благода́ряще:// сла́ва си́ле Твое́й, Го́споди.

Припев: Сла́ва, Го́споди, свято́му Воскресе́нию Твоему́.

Тропа́рь: Я́звы, Христе́, и ра́ны ми́лостивно подъя́л еси́,/ доса́ду по лани́тома ударѣний терпя́, и долготерпели́вне оплева́ния нося́,/ и́миже соде́лал еси́ мне Спасѣние:// сла́ва си́ле Твое́й, Го́споди.

Припев: Сла́ва, Го́споди, свято́му Воскресе́нию Твоему́.

Тропа́рь: Тѣлом сме́ртным, Животе́, сме́рти причасти́лся еси́,/ стра́сти ра́ди ни́щих, и воздыха́ния убо́гих Твои́х,/ и растли́в тлею́щаго, Препросла́вленне, // всех совоскреси́л еси́, я́ко просла́вился.

Припев: Пресвята́я Богоро́дице, спаси́ нас.

Богоро́дичен: Помяни́, Христе́, е́же стяжа́л еси́ ста́до стра́стию Твое́ю:/ Препросла́вленныя Твоея́ Ма́тере ми́лостивныя мольбы́ приѣм,/ и посети́в озло́бленное, // изба́ви си́лою Твое́ю, Го́споди.

КАНО́Н ПРЕДПРАЗДСТВА́, ГЛАС 1:

Припев: Сла́ва Тебе́, Бо́же наш, сла́ва Тебе́.

Тропа́рь: Же́зл из ко́рене Иессе́ова, Дѣво, прозябла́ еси́,/ цвет процвѣтшая неувяда́емый, всех Соде́теля,/ зе́млю цвета́ми всю я́ко Бо́га украша́ющаго, вопи́ющую Ему́:// сла́ва си́ле Твое́й, Го́споди. *(Два́жды)*

Припев: Сла́ва Тебе́, Бо́же наш, сла́ва Тебе́.

Тропа́рь: Сне́дию мя окра́дена лука́вою/ и ра́зумом попо́лзшася и уподо́бльшася безслове́сным, Сло́ве Бо́жий, пришѣл еси́, назидая́,/ Младене́ц быв и во

яслех безсловесных возлэг:// слава силе Твоей, Господи.

Припев: Пресвятая Богородице, спаси нас.

Богородичен: Из горы приосененная, Иисусе, Девы, Ты, воплощенного, Аввакум провиде,/ горы злыя и холмы сокрушающего// и исчезновению предающая возношения лукаваго и демонская возвышения.

КАНОН СВЯТЫХ ОЦЦОВ:

Припев: Святые отцы, молитесь Бога о нас.

Тропарь: Отцев начаток: Авраама, Исаака и Иакова почитим,/ яко из тех семени возсия Христос,// воплощься из Девы, яко Всесилен. *(Дважды)*

Припев: Святые отцы, молитесь Бога о нас.

Тропарь: Прописуяй будущая сошествию Христову Даниил/ звери, яко овцы, показана всем яве:// провиде бо будущее, яко пророк Божий. *(Дважды)*

Слава Отцу, и Сыну, и Святому Духу.

Тропарь: Греховным не привлечени ядом,/ от пламене избавистесь, дети:// злата бо чистейше суще мудрии, в пещи прелести не слишася.

И ныне и присно и во веки веков, аминь.

Богородичен: Велегласно проповедуется ожидание языков/ и спасение мира паче естества Рождество Твое, Пречистая, Честная,// егже поет отеческая память днесь.

КАТАВАСИЯ:

Хор: Жезл из корене Иессеева/ и цвет от него, Христэ,/ от Девы прозябл еси,/ из горы, Хвальный, приосененная чащи,/ пришёл еси, воплощься от Неискусомужных,/ Невещественный и Бже:// слава силе Твоей, Господи.

ПЕСНЬ 5:

КАНОН ВОСКРЕСНЫЙ, ГЛАС 3:

Ирмос: К Тебе утреннюю, всех Творцу,/ преимуществу всяк ум мируи,/ зане свет повеления Твоя,// в нихже настави мя.

Припев: Слава, Господи, святому Воскресению Твоему.

Тропарь: Судий неправедному,/ еврейскою завистию предан быв, Всевидче,/ и всей праведне судяй земли,// Адама древняго избавил еси осуждения.

Припев: Слава, Господи, святому Воскресению Твоему.

Тропарь: Твой мир церквам Твоим, Христэ,/ непобедимою силою Креста Твоего,// из мертвых воскресий, подаждь, и спаси души наша.

Припев: Пресвятая Богородице, спаси нас.

Богородичен: Скиния Святая, и пространнейши небес,/ яко Иже во всей твари Невместимаго Слова Божия приемши, // Единая явилася еси, Приснодево.

КАНОН ПРЕДПРАЗДСТВА, ГЛАС 1:

Припев: Слава Тебе, Боже наш, слава Тебе.

Тропарь: Естеством Владыка, в рабех совершенне,/ Сын Божий всесовершенный/ благоволил за милосердие зватися и Сын Человеческий Всещедрый. // Темже в вертепе волею обнищав, грядеши родитися, Преблаже. *(Дважды)*

Припев: Слава Тебе, Боже наш, слава Тебе.

Тропарь: Невместимый естеством, Христэ Царю,/ како малый Ты примет вертеп?/ Како ясли возмогут Ты вместити,/ нас ради от Матере Неискусомужныя плотию приходяща во Своя? // Яко да устранился спасеши, Господи?

Припев: Пресвятая Богородице, спаси нас.

Богородичен: Агница Пастыря прииде родити,/ готовися, святой вертепе,/ пастырие, спешите, Пастыря и Агнца рождагося видети,/ волсви, с дары уготовитесь, // Сему яко Царю поклонитися плотию.

КАНОН СВЯТЫХ ОТЦОВ:

Припев: Святии отцы, молитесь Бога о нас.

Тропарь: Отцев начаток, яко началовождя закона и благодати,/ от рода Авраамля днесь Даниила Божественнаго почтим:/ яко пророк бо Божий предвозвестит Христа от Девы // и Сего предусретает Божественное рождение. *(Дважды)*

Припев: Святии отцы, молитесь Бога о нас.

Тропарь: Прописавше ясно к нам Господне пришествие Ангеловым сошествием,/ угасиша Авраамстии отроцы пещь/ и, тучеросен огонь соделавше, // в сем верою образа златого славу изнуриша. *(Дважды)*

Слава Отцу, и Сыну, и Святому Духу.

Тропарь: Заградит уста зверей Даниил в рове Духом,/ огненную же крепость угасиша Авраамстии отроцы благодатию/ и, спасшеся сии от тли, предвозвещают Христа из Девы, // моляще яко Избавителя спасения нашего.

И ныне и присно и во веки веков, аминь.

Богородичен: Божественным Духом являя от нас безстрастно Твое приятие, Исаи

вопийше, Гóсподи,/ бóдрствуя закóном благодáти:/ от рóда ўбо Авраáмля,
от плéмене же Иўдова по плóти Дéва,// без сéмене, грядёт раждáющи.

КАТАВА́СИЯ:

Хор: **Бог сый мíра, Отец щедрóт,/ Вели́каго Совéта Твоегó А́нгела,/ мир подава́юща, послáл есй нам:/ тем, Богоразу́мия к свéту наста́вльшеся,/ от но́щи ўтренююще,// славослóвим Тя, Человеколю́бче.**

ПЕСНЬ 6:

КАНО́Н ВОСКРЕ́СНЫЙ, ГЛАС 3:

Ирмо́с: **Бéздна послéдняя грехóв обы́де мя,/ и исчезáет дух мой;/ но прострýй, Влады́ко, высóкую Твою́ мы́шцу,// я́ко Петра́, мя, Управителю, спасй́.**

Припев: **Сла́ва, Гóсподи, свято́му Воскресéнию Твоему́.**

Тропа́рь: **Бéздна мýлости и щедрóт обы́де мя,/ благоутрóбным снй́тием Твоим:/ вопло́щся бо, Влады́ко,// и быв в ра́бии зра́це, обожи́л есй, с Собóю сопросла́вив.**

Припев: **Сла́ва, Гóсподи, свято́му Воскресéнию Твоему́.**

Тропа́рь: **Умерщвлéние подъя́т умертвитель,/ умерщвлéнаго оживлéнно вй́дя:/ Твоегó воскресéния сии суть, Христé, о́бразы,// и стра́сти Твоея́ пречй́стыя победй́тельная.**

Припев: **Пресвятáя Богорóдице, спасй́ нас.**

Богорóдичен: **Пречй́стая, я́же Едйна́ Создáтелю и челове́ком, пáче умá исхода́таившая,// Сы́на Твоегó мýлостива прегрéшшым рабо́м Твоим, и побóрника б́йти, помолй́ся.**

КАНО́Н ПРЕДПРА́ЗДСТВА́, ГЛАС 1:

Припев: **Сла́ва Тебе́, Бóже наш, сла́ва Тебе́.**

Тропа́рь: **Но́вое Не́бо сýщи, Влады́чице, из утрóбы Твоея́, я́ко из о́блака,/ Христá, сла́вы со́лнца, возсия́ти грядéши в верте́пе плóтию,// я́ко хотя́ща сия́ньми Своими́ свéтло вся земна́я исполнéния озарй́ти за милосéрдие безмéрное. *(Два́жды)***

Припев: **Сла́ва Тебе́, Бóже наш, сла́ва Тебе́.**

Тропа́рь: **Вй́дел есй́ нашу́ болéзнь и озлоблéние, Ще́дрый Христé,/ и не прэ́зрил есй́ нас, но истощи́л есй́ Тебе́ Самáго, не отступй́в Родй́теля,/ и вселй́лся есй́ во утрóбу Неискусобра́чную,// я́же неболéзненно родй́ти Тя плóтию в верте́пе предгрядёт.**

Припев: Пресвятая Богородице, спаси нас.

Богородичен: Горы и холмы, поля и дёбри,/ людые и колёна, языцы и всякое дыханье,
воскликните,/ веселия Божественнаго исполняеми:/ прииде и приспе всех
избавление, Слово Божие Безлётное, // под лётюм за милосёрдие бывшее.

КАНОН СВЯТЫХ ОЦЦОВ:

Припев: Святїи отцы, молите Бога о нас.

Тропарь: Нрав страннолюбив, вера же высокая Авраама, суща праотца;/ темже,
Божественное таинство образне прием, радовашеся, // пред Христом же
текии ныне веселится. *(Дважды)*

Припев: Святїи отцы, молите Бога о нас.

Тропарь: Тварь повиную ныне вера отроком даром Зиждителя:/ огонь бо всеядец и
безстудный устыдеса // чтущих огня делателя, Иисуса Христа. *(Дважды)*

Слава Отцу, и Сыну, и Святому Духу.

Тропарь: Мира свирепство пришествием Христовым сочислятися изъяви,/ к
миру глубокому боголепно, заградив уста львов, // Даниил пророк в рове
иногда.

И ныне и присно и во веки веков, аминь.

Богородичен: Из ложесн родила еси девственных Христа, Марию, Мати безмужная,
Егоже пророцы видевшие духовне, // Того предликовствуют ныне отцы ро-
ждественная.

КАТАВАСИЯ:

Хор: Из утробы Иону младенца излевал морской зверь,/ якова прият,/ в Деву
же всельшееся Слово/ и плоть приемшее пройде сохраншее нетленну./
Егоже бо не пострадал истления, // Родшую сохранит невреденну.

ЕКТЕНИЯ МАЛАЯ...

КОНДАК ОЦЦОВ, ГЛАС 1:

Веселися, Вифлееме, Евфрафо, готовися:/ се бо Агница, Пастыря ве-
ликаго во утробе носящи, еже родити тщится,/ Егоже зряще, Богоноснии
отцы веселятся, // с пастырьми поюще Деву доящую.

ИКОС:

Твоего Рождества, Дево, светлость зряще сияющую,/ Авраам Боголю-
бивый, Исаак приснопамятный,/ Иаков и весь Богособранный лик святых
радуется/ и тварь приведоша к Твоему сретению радостными речении:/
радости бо Ходатаица всем явилася еси,/ во утробе зачэншая иногда в Ва-

вилоне Виденнаго,/ и отроки, в пещь неправедне вверженныя, неопальны Соблюдшаго,/ и Тя Показавшаго паче всякаго разума./ Тем и воспевают Зримаго в руках Юницы,// поюще Деву доящую.

ПЕСНЬ 7:

КАНОН ВОСКРЕСНЫЙ, ГЛАС 3:

Ирмос: Якоже древле/ благочестивыя три отроки оросил еси/ в пламени халдейстем,/ светлым Божества огнем/ и нас озари,/ благословен еси, взывающия,// Боже отец наших.

Припев: Слава, Господи, святому Воскресению Твоему.

Тропарь: Раздрася церковная светлая катапетасма, в распятии Содетеля,/ сокровенную в Писании являющую верным истину,// благословен еси, зовущим, Боже отец наших.

Припев: Слава, Господи, святому Воскресению Твоему.

Тропарь: Прободенным Твоим ребром,/ каплями Боготочныя Животворящая Крове, Христэ,/ смотрительно каплющая на землю,/ сущих от земли возсоздал еси,// благословен еси, зовущих, Боже отец наших.

Припев: Пресвятая Троице, Боже наш, слава Тебе.

Троицен: Духа Благого со Отцем прославим, и с Сыном Единородным,/ Единого в Трех вернии чтуще Начало, и Единого Божество:// благословен еси, зовуще, Боже отец наших.

КАНОН ПРЕДПРАЗДСТВА, ГЛАС 1:

Припев: Слава Тебе, Боже наш, слава Тебе.

Тропарь: Лоза Божественная, нетленный грозд узреливши,/ близящися, идет родити веселия вино точащаго/ и напояющаго нас, Ему вопиющих:// отцев наших Боже, благословен еси. *(Дважды)*

Припев: Слава Тебе, Боже наш, слава Тебе.

Тропарь: Божественная Мироположница, благовонное Мирю внутрь носящи,/ в вертепе Вифлеемли истощити сие грядет,/ благовония таинственного исполняющее поющая:// отцев Боже, благословен еси.

Припев: Пресвятая Богородице, спаси нас.

Богородичен: Клеща, юже Исаи пророк древле виде,/ Божественный уголь, Христа, во чреве приходит имущи,/ всяку вещь греховную попяляющий,// верных же души просвещающий.

КАНОН СВЯТЫХ ОTCОВ:

Припев: **Святїи отцѣ, моли́те Бѡга о нас.**

Тропарь: **Христá родѣв по плѡти, вѣрою,/ родоначáльниче ѡтче Авраáме, явѣлся есѣ язѣиков дѹхом отѣц я́ве/ во спасѣние нас, поѣющих:// Избáвителью Бѡже, благословѣн есѣ. (Двáжды)**

Припев: **Святїи отцѣ, моли́те Бѡга о нас.**

Тропарь: **Бездѹшнаго шѹма, вотщѣ восклицáющаго,/ одушевлѣнных посрамѣ песнь:/ пещь бо, огнѣм горящюю, телесѣ попира́юще,/ ѡтроцы невредно Избáвителью поѣт:// Бѡже, благословѣн есѣ. (Двáжды)**

Слáва Отцѹ, и Сѣ́ну, и Святѡму Дѹху.

Тропарь: **Видѣнием возрѣв духѡвным, проро́к дрѣвле Даниѣл/ Христѡво явѣ вторѡе пришѣствие/ и я́же в нем стра́шная предвозвещáет, вопи́я:// Избáвителью Бѡже, благословѣн есѣ.**

И ны́не и прѣсно и во вѣки векѡв, амѣнь.

Богорѡдичен: **Стра́нное чѹдо, во проро́цех повествѹемое и отцѣм дрѣвле явлѣнно:/ Дѣва Чѣ́стая, родѣти хотя́щи, приѣде на спасѣние нас, песнопѣющих:// Избáвителью Бѡже, благословѣн есѣ.**

КАТАВА́СИЯ:

Хор: **Ѡтроцы, благочѣстию совоспитáни,/ злочестѣваго велѣния небрегше,/ ѡгненнаго прещѣния не убо́яшася,/ но, посреде́ пла́мени стоя́ще, по́яху:// отцѣв Бѡже, благословѣн есѣ.**

ПЕСНЬ 8:

КАНО́Н ВОСКРЕ́СНЫЙ, ГЛАС 3:

Ирмо́с: **Нестерпѣмому огнѹ соединѣвшеся,/ Богочѣстия предсто́яще, ю́ноши,/ пла́менем же невреждѣни,/ Божѣственную песнь по́яху:/ благословѣте, вся дела́ Господня, Гѡспода// и превозно́сите во вся вѣки.**

Припев: **Слáва, Гѡсподи, свято́му Воскресѣнию Твоему́.**

Тропарь: **Раздрáся церкѡвная свѣтлость,/ егда́ крест Твой водрузѣся на лѡбнем,/ и тварь преклоня́шеся стра́хом, воспева́ющи:/ благословѣте вся дела́ Господня, Гѡспода,// по́йте и превозно́сите Егѡ во вѣки.**

Припев: **Слáва, Гѡсподи, свято́му Воскресѣнию Твоему́.**

Тропарь: **Воскрѣсл есѣ Христѣ из грѡба,/ и па́дшаго прельщѣнием, дрѣвом испра́вил есѣ Божѣственную сѣлою, зовѹща и глаго́люща:/ благословѣте вся дела́ Господня, Гѡспода,// по́йте и превозно́сите Егѡ во вѣки.**

Припев: **Пресвятáя Богорѡдице, спасѣ нас.**

Богорóдичен: Храм Бóжий явѣлася есѣ Вместѣлище одушевлѣнное, и Ковчѣг:/ Творца́ бо челове́ком, Богородѣтельнице Пречѣстая, примири́ла есѣ,/ и досто́йно вся дела́ поѣм Тя,// и превозно́сим во вся ве́ки.

КАНО́Н ПРѢДПРАЗДСТВА́, ГЛАС 1:

Припев: **Сла́ва Тебе́, Бо́же наш, сла́ва Тебе́.**

Тропа́рь: Сла́ва в Вѣ́шних Бо́гу, со А́нгелы возопи́м в весѣлии:/ Спас ражда́ется, Владѣ́ика прихóдит, Егóже звезда́ показу́ет,/ волсвѣ́ тщáтся Егó в я́слех вѣдети;/ да благословѣ́т тварь вся Го́спода// и превозно́сит во вся ве́ки. *(Два́жды)*

Припев: **Сла́ва Тебе́, Бо́же наш, сла́ва Тебе́.**

Тропа́рь: С рабѣ́ написáлся есѣ во́льно, Владѣ́ико, кѣсареву повину́йся зако́ну,/ я́ко да челове́чество от рабóты лука́ваго, Бо́же, свободѣ́ши, Многоми́лостиве./ Тѣмже, раду́ющесея, воспева́ем:/ да благословѣ́т тварь вся Го́спода// и превозно́сит во вся ве́ки.

Припев: **Пресвята́я Богорóдице, спасѣ́ нас.**

Богорóдичен: Младѣ́нца но́ва ношу́ Тя, Безнача́льне Сло́ве,/ иску́са же му́жеска отню́д не позна́х,/ Дѣ́ва глаго́лаше, недоумева́ющися./ Когó на земли́ возъимену́ю Твоегó Отца́? – не вем./ Тѣмже со всѣ́ми воспева́ю Ти:/ да благословѣ́т тварь вся Го́спода// и превозно́сит во вся ве́ки.

КАНО́Н СВЯТЫ́Х ОТЦО́В:

Припев: **Святы́и отцы́, моли́те Бо́га о нас.**

Тропа́рь: Твое́ заколѣ́ние предъизобразу́я, Авраа́м, Христѣ́,/ егóже роди́ сы́на, на горѣ́ повину́йся Тебе́, Владѣ́ико,/ я́коже овча́, взы́де пожрѣ́ти хотѣ́й ве́рою;/ но возвра́тися, раду́яся, с ним,// и сла́вя, и превозно́ся Тя, Изба́вителя ми́ра. *(Два́жды)*

Припев: **Святы́и отцы́, моли́те Бо́га о нас.**

Тропа́рь: Пла́менем неутружда́нным, Христѣ́, облечѣ́ну Ти, я́ко рѣ́зою Божѣ́ственной,/ огонь́ святы́х óтрок Твоѣ́х угасѣ́ зелó,/ и росá Твоѣ́м низхожде́нием пою́щим шумя́ше:// священни́цы, по́йте и превозно́сите Егó во ве́ки. *(Два́жды)*

Благословѣ́м Отца́, и Сы́на, и Свята́го Ду́ха, Го́спода.

Тропа́рь: Даѣ́тся львом в снѣдь судóм неправедным проро́к Даниѣ́л,/ но имѣ́ше повелѣ́нием воздержáния спóстники́ благоче́стно зве́ри во глубинѣ́ рóвища./ Тогó моли́твами, Авраа́ма же и отроко́в// спасѣ́ в ми́ре, Христѣ́, пою́щия Тя.

И ны́не и прѣ́сно и во ве́ки веко́в, ами́нь.

Богорóдичен: Егóже провозвестѣ́ша ве́рно проро́честии гла́си,/ Иису́са Емману́ила, в че-

ловечесте образе грядуща,/ Божия и Отча Сына же и Собезначальное Слово,// от Духа Святаго Дева Марія раждает неискусомужно в Вифлееме граде.

КАТАВА́СИЯ:

Хор: Хва́лим, благослов́им, покланя́емся Го́сподеви, пою́ще и превозно́сяще во вся ве́ки.

Чу́да преесте́ственнаго/ росода́тельная изобрази́ пещь о́браз:/ не бо, я́же прия́т, пали́т ю́ныя,/ я́ко ниже́ огонь Божества́ Де́вы,/ в Ню́же вни́де утробу́./ Тем воспева́юще, воспо́ем:/ да благослови́т тварь вся Го́спода// и превозно́сит во вся ве́ки.

Диакон: Богоро́дицу и Ма́терь Све́та в пе́снях возвели́чим.

ПЕСНЬ ПРЕСВЯТО́Й БОГОРО́ДИЦЫ:

Хор: Вели́чит душа́ Моя́ Го́спода,/ и возра́довася дух Мой о Бо́зе Спа́се Моём.

Че́стнейшую Херув́им/ и Сла́внейшую без сравне́ния Сераф́им,/ без ислéния Бо́га Сло́ва ро́ждшую,/ су́щую Богоро́дицу, Тя велича́ем.

Я́ко призре́ на смире́ние рабы́ Своея́,/ се бо от ны́не ублажа́т Мя вси ро́ди.

Че́стнейшую...

Я́ко сотвори́ Мне вели́чие Си́льный,/ и свя́то И́мя Его́, и ми́лость Его́ в ро́ды родо́в бо́ящимся Его́.

Че́стнейшую...

Сотвори́ держа́ву мы́шцею Свое́ю,/ расточи́ го́рдья мы́слию се́рдца их.

Че́стнейшую...

Ни́зложи́ си́льные со престо́л, и вознесе́ смире́нные;/ а́лчущия испо́лни благ, и богаты́яся отпу́сти тщи.

Че́стнейшую...

Восприя́т Изра́иля о́трока Своего́, помяну́ти ми́лости,/ я́коже глаго́ла ко отце́м на́шим, Авра́аму и се́мени его́, да́же до ве́ка.

Че́стнейшую...

ПЕСНЬ 9:

КАНО́Н ВОСКРЕ́СНЫЙ, ГЛАС 3:

Ирмо́с: Но́вое чу́до и Боголе́пное:/ деви́ческую бо дверь затворе́нную/ я́ве прохóдит Госпо́дь,/ наг во вхо́де,/ и плотоно́сец я́вися во исхо́де Бог,/ и пребыва́ет дверь затворе́на./ Сию́ неизрече́нно// я́ко Богома́терь, велича́ем.

Припев: Сла́ва, Го́споди, свято́му Воскресе́нию Твоему́.

Тропа́рь: Стра́шно есть зрети́ Тебе́, Творца́/ на дрéве воздв́ижена, Сло́ве Бо́жий,/ плóтски же стра́ждуща Бо́га за рабы́,/ и во грóбе бездыхáнна лежа́ща,/

мёртвыя же из ада разрешивша:// тёмже Тя, Христэ, яко Всесильна, величаём.

Припев: **Слава, Господи, святому Воскресению Твоему.**

Тропарь: Из тли смертных спасл еси, Христэ, праотцы,/ положён быв во гробе мертв,/ и живёт процвёл еси, мёртвыя воскресив,/ руководив естество человеческое ко свету,/ и в Божественное облек нетление.// Тёмже источника Тя света присно живаго величаём.

Припев: **Пресвятая Богородице, спаси нас.**

Богородичен: Храм и Престол явилася еси Божий,/ воньже вселися Иже в вышних сый,/ рождёйся неискусомужно, Всечистая,/ плоти Твоея не отверз всячески врата./ Тёмже непрестанными, Чистая, молитвами Твоими,// язЫки варварския скоро до конца покорй.

КАНОН ПРЕДПРАЗДСТВА, ГЛАС 1:

Припев: **Слава Тебэ, Боже наш, слава Тебэ.**

Тропарь: Таинства странная, страшная и преславная:/ славы Господь прииде на землю/ и в вертеп, обнищав, вниде плотию,// Адама воззвати ища и Еву болезней избавити. *(Дважды)*

Припев: **Слава Тебэ, Боже наш, слава Тебэ.**

Тропарь: Пеленами Твоими решиши пленицы грехопадений,/ мно́гою же нището́ю вся обогащаеши, Щедре:/ безсловесныя злобы, положи в ясли безсловесных, человеки изменяеши,// Божий Слове пребезначальне.

Припев: **Пресвятая Богородице, спаси нас.**

Богородичен: Проповеди пророческия конец прияша:/ Егóже бо прорекóша преити в скончание лет,/ прииде и явися, из Чистыя Дёвы воплощаемь,// Того́ мыслию чистою приимем.

КАНОН СВЯТЫХ ОТЦОВ:

Припев: **Святии отцы, молитте Бога о нас.**

Тропарь: Сущих прежде закона отцев праздник совершающе,/ от них боголепно почтём Христа:/ Авраам бо, купно и Исаак, и Иаков, пророков и закона явившася основание// и благодати верою Духа проповедницы. *(Дважды)*

Припев: **Святии отцы, молитте Бога о нас.**

Тропарь: Огнём показавый Моисею в купине паче ума боговидне таинство Бог,/ во огонь к детям низшед Тойже,// огнём естественным Божества Его пещный пламень росу показá. *(Дважды)*

Сла́ва Отцу́, и Сы́ну, и Свято́му Ду́ху.

Тропа́рь: Со Авраа́мом, соше́дшея, пресвяти́и де́ти/ и Дани́ил, дивный проро́к Бо́жий,/ Исаа́к и Иа́ков с Моисеем и Ааро́н/ Христо́ва пре́жде Рожде́ства ликова́тву́ют ве́рно, // моля́щеся непреста́нно во е́же спасти́ся нам.

И ны́не и прѣсно и во ве́ки веко́в, ами́нь.

Богоро́дичен: Сра́дуется вся тварь Твоему́ Рожде́ству, Де́во:/ Еде́ма бо Вифле́ем отве́рзе нам./ И се дре́ва жи́зни вси наслажда́ющеся ве́рно, вопие́м приле́жно: // моли́твы на́ша, Влады́чице, испо́лни.

КАТАВА́СИЯ:

Хор: Та́инство стра́нное ви́жу и пресла́вное:/ Не́бо – верте́п, Престо́л Херувимский – Де́ву,/ я́сли – вме́стѣлище,/ в ни́хже возле́же Невме́стѣимый – Христо́с Бог, // Его́же, воспева́юще, велича́ем.

ЕКТЕНИ́Я МА́ЛАЯ...

Диа́кон: Свят Госпо́дь Бог наш...

ЕКСАПОСТИЛА́РИЙ ВОСКРЕ́СНЫЙ ШЕСТО́Й:

Показу́я, я́ко челове́к еси́ Спа́се, по существу́,/ посреде́ став воскресе́ от гроба́,/ и бра́шна сопричастѣ́лся еси́,/ учи́л еси́ креще́нию пока́яния./ А́бие же к Небе́сному возне́слся еси́ Отцу́,/ и учени́ком Уте́шителя посла́ти обеща́л еси́, Пребоже́ственный Богочелове́че. // Сла́ва Твоему́ воста́нию.

Сла́ва Отцу́ и Сы́ну и Свято́му Ду́ху.

СВЕТИ́ЛЕН ОТЦЕ́В:

Патриа́рхов избра́ннии и пре́жде зако́на отцы́ ве́рою предвозсия́ша,/ Авраа́м, Исаа́к же и Иа́ков, я́ко свети́льницы:/ вси бо проро́цы и пра́ведницы возсия́ша от них, я́ко свещи́ светови́дныя,/ и тварь всю луча́ми просвети́ша честна́го проро́чества, // и приле́жно мо́лятся к Бо́гу о ми́ре.

И ны́не и прѣсно и во ве́ки веко́в. Ами́нь.

СВЕТИ́ЛЕН ПРЕДПРА́ЗДНСТВА:

А́гница нескве́рная, А́гнца ро́ждшая, Сло́ва Пребезнача́льнаго в последня́я времена́,/ бя́ше сие́ чу́дно, Ада́мова вну́ка и Дави́дова по досто́янию; // Ея́же несказáнное Рожде́ство отце́в мно́жество предпра́зднствует досто́йно.